

Tidak kenal putus asa

» *Fara Jasseica giat berusaha hasilkan produk bermutu minuman jeli*

Sebelum ini, wanita cekal ini, Fara Jasseica Mohd Rashid, 32, berpendapat me luaskan pasaran di luar negara lebih berbaloi, tetapi kini yakin pasaran di dalam negara juga berpotensi besar.

Katanya, semua bermula dengan tekad ingin menceburkan diri dalam bidang perniagaan makanan dan minuman, berbanding bekerja makan gaji. Walaupun tida kepakaran, graduan Universiti Putra Malaysia (UPM) dalam bidang pengajian makanan ini mendapat sokongan padu daripada keluarga.

Bermodalkan RM50,000 pemberian ayah, beliau yang selesa dengan panggilan Fara ini mula mengusahakan perniagaan ais kisar menggunakan puri buah-buahan yang diambil daripada seorang pembekal. Ketika itu beliau menggunakan van dan seorang pekerja serta mendapat hasil jualan di pasar tani, antara RM2,000 hingga RM3,000 sebulan.

Jual di karnival

Memikirkan sampai bila harus bergantung kepada satu pendapatan, pada 2007 beliau belajar dengan 'guru' dari Taiwan, bagaimana menghasilkan puri buah-buahan sebenar.

"Saya belajar enam resipi puri buah-buahan dan

setiap satunya perlu bayar RM5,000. Bayangkan, dalam keadaan kekurangan modal, tetapi atas dasar tidak mahu terlalu bergantung kepada pembekal, saya sanggup keluar duit belajar membuat puri ini.

"Selesai belajar semua resipi itu, saya perbaiki lagi teksturnya bagi menghasilkan puri lebih sedap, elok dan berkualiti. Akhirnya, saya berjaya menghasilkan resipi yang mengandungi 45 peratus buah, kurang gula dan selebihnya air berbanding kordial biasa," kata ditemui, di premisnya Servntrade Enterprise di Sungai Buloh, baru-baru ini.

Enam puri dihasilkan itu ialah mangga, durian Belanda, strawberry, nanas; jambu dan buah naga merah. Sejak itu, beliau mula memasang strategi perniagaan.



Minuman Jeli buah-buahan

diusahakan Fara semakin mendapat sambutan.
[FOTO NASHAIRI MOHD NAWI / BH]



SAYA MEMILIH MINUMAN INI SEBAGAI PRODUK TIDAK ADA LAGI MINUMAN SEPERTI INI BERBANDING JELI BIASA YANG BOLEH DIDAPATI DI PASARAN DALAM NEGARA"

Fara Jasseica Mohd Rashid,
Pengusaha minuman jeli



penyelidikan iaitu minuman jeli siap diminum. Hampir setahun penyelidikan dilakukan sendiri bagi menghasilkan formula dan tekstur yang benar-benar lembut, sesuai diminum oleh setiap peringkat usia termasuk bayi.

Uniknya, pelanggan tidak perlu bersusah payah membuka plastik, kerana minuman siap diminum ini hanya perlu cucuk menggunakan penyedut minuman. Ia terdapat dalam tiga perasa iaitu epal, anggur dan strawberry.

"Sebagai pengusaha IKS untuk bersaing dengan syarikat besar agak mustahil," katanya yang turut dibantu oleh kakaknya, Fara Ellizia.

Pengguna tidak perlu khawatir kerana minuman jeli ini mampu bertahan lama tidak kira sejuk atau tidak,

cuma yang membezakannya ialah rasa sejuk dan boleh bertahan selama setahun.

Luaskan pasaran

Kini, selepas mendapat bantuan mesin automatik daripada SME Bank, produktiviti pengeluaran minuman itu dijangka dapat dinaikkan kepada 2,000 kotak seminggu. Namun, buat masa sekarang, mereka masih menjalankan menggunakan mesin separa automatik dan pengeluaran sebulan hanya 2,000 cawan.

"Buat masa ini, pengeluaran terhad dan saya mengedarkan di sekolah, koperasi dan pengedar di Cameron Highlands, Alor Setar, Kuantan dan Terengganu. Saya juga mengalu-alukan mereka yang ingin menjadi pengedar untuk berhubung dengan saya," katanya.